



21. november 2025

Inatsisartut ingerlatsinermut maleruagassaasa § 37 imm. 1 tunngavigalugu matumuuna ukunannga Naalakkersuisunut apeqquteqaateqarpunga.

Naalakkersuisunut apeqquteqaatit:

- 1. Ilisimasallit naliliinerat nutaaq tunngavigalugu sunik Naalakkersuisut eqqarsaatersuuteqarpat¹, inernilerneqarsimammat, Tunumi nannunniarneq piujuartitsiniartumik ingerlanneqartoq?**
 - a. Naliliineq taanna tunngavigalugu Naalakkersuisut pilersaaruteqarnerpat Tunumi nannuttassiissutit annertusinissaannik?**
 - i. Allanguuteqartoqassappat qaqugu atuutilernissaa naatsorsuutigineqarpa?**
- 2. Naalakkersuisut pisassiissutit qaffannissaannik pilersaaruteqanngippata, tassunga suna tunngaviua nalunaarusiami piujuartitsinermut tutsinneqarnera?**
- 3. Naalakkersuisut qanoq ilillutik qulakkeerusuppaat, piniartut Tunumilu innuttaasut siunissami pisassiissutit tulluarsarneqarnerannut akuutinneqarnissaat?**
- 4. Naalakkersuisut oqaluuserisamut soqutiginaatilinnik allanik paasissutissiinnaanerlutik?**

(Inatsisartunut ilaasortaq Jørgen Rosbach, Demokraatit)

Tunngavilersuut

Pinngortitaleriffik naliliinini nutaaq tamanut nalunaarutigaa, inerneqartoq, Tunumi nannunniarneq piujuartitsiniartumik maannakkut ingerlanneqartoq. Naliliineq taanna allaffeqarfimmut illoqarfimmiunut nunaqarfimmiunullu pingaaruteqarpoq, nannunniarneq piniartut isertitassaannut qangaaniillu inooriaasiannut pingaaruteqarlunnarmat.

Naalakkersuisut siusinnerusukkut nalunaarutigisimavaat, una nalunaarusiaq utaqqimaarusullugu, pisassiissutit allanngorteriatarneqarnissaannik isummertoqannginnerani. Maanna naliliineq pigineqalermat, pissusissamisoorpoq paasissallugu, siunissami pisassiissutit aalajangernissaannut Naalakkersuisut qanoq iliorniarnersut, aammalu tunngavissaqarnersoq pisassiissutit tulluussarnissaanut ilisimalikkanut nutaanut.

Tassungalu ilutigalugu pingaartuuvoq, suliniarneq piniartut aammalu nunaqarfimmiut illoqarfimmiullu kalluarneqartut ersarissumik peqatigalugit ingerlanneqarnissaa, taakku pisariaqartilluinnarmassuk, pisassiissutini piujuartitsineq piffinnilu pissutsinut tulluuttuunissaat.

¹ Tunumi nannunniarneq piujuartitsiniartumik pivoq (<https://natur.gl/2025-kl/tunumi-nannunniarneq-piujuartitsiniartumik-pivoq-2/?lang=kl>), Natur.gl - 30. oktober 2025



Taamaattumik apeqquteqarnermut siunertaavoq erseqqissartissallugu Tunumi nannut amerlassusaasa ingerlanneqarneranut ersarissumillu tunngavilersorneqarnerannut Naalakkersuisut alloriaatissatut suna tulliusssimaneraat paasilluassallugu.

Apeqquteqaatima ullut suliffiusut qulit iluanni akineqarnissat qilanaaraara.